



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xxiiij Tecla ein Jüngerin Sanct Pauli.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

256 September, Herbstmonat.

Von diesem Mattheo schreibt Eusebius lib.  
3. cap. 24. 39. Lib. 5. cap. 10.

mau  
S  
xxij  
Mauri-  
tius.

**M**auritius ein fürnehmer Hauptmann/des  
Judeischen Kriegsvolcks. Dieser ist  
mit seiner Gesellschaft von dem Bischoff zu  
Hierusalem getaufft worden / Diereil sie aber  
im Kriegshändeln erfahren / wurden sie dem  
Keyser Maximiano im Galliam nachzukom-  
men bewegen. Da sie aber der Keyser zwingen  
wolte/das sie den Abgöttern opffern / vnd sie  
anbetten solten / vnd sie sich solches beständig-  
lich weigerten / befahle der Keyser sie gränlich  
zu martern / vnd zu opffen. Also ward Mauri-  
tius mit seiner Gesellschaft vmbbracht / welcher  
zahl gewesen ist sechstausende / sechs hundert  
vnd sechs vnd sechzig streitbare vnd Christliche  
Kitter / Anno Christi 287.

ri  
S  
xxij  
Tecla.

**T**heses ist ein Christliche Jüngerin gewe-  
sen / des heyligen Apostels Pauli / welcher  
diereil sie ihren Christlichen Glauben bestän-  
diglich bekandt / vnd die Heydnische Abgöt-  
teren verdampft hat / ist sie auch häffrig ge-  
peinigt / dann sie ist den Schlangen / Dec-  
ren

ren/vnnd Löwen / sie jämmerlich zu zerreißen/  
fürgeworffen worden / welchen sie mit bestän-  
diger bekandnuß ihres glaubens/vnd mit ein-  
brünstigem Gebett zu Ihesu Christo / wider-  
standen / vnnd solches alles überwunden hat.  
Also ist sie doch endlich den 23. dises Monats/  
in beständiger bekandnuß Ihesu Christi/ von  
diesem elenden Leben abgeschieden.

**D**erweil dieser Robertus ein anfänger des  
Cistercienser Ordens / ist er auch inn die  
zähle der Heiligen gezehlet worden. Er ist ein  
Malinensischer Abt gewesen / vnnd hat sich in  
der Einsider Cistercij in stillem leben vñ Christ-  
lichem Gebett gehalten / darvon dann der Ci-  
stertenser Orden/seinen vrsprung bekommen/  
vnd angefangen von disem Roberto in Bur-  
gundia/ Nach der Geburt Christi 1098. Jar/  
welchen Orden darnach Pappst Urbanus mit  
vielen zusamen gestickten Regeln/ dem Orden  
der Benedictiner vnderworffen. Dieser Or-  
den ist darnach durch andere Pappst mit gros-  
sen Freyheiten begabt. Von dem vnd andern  
auffgerichteten Ordē/ habe ich an einem andern  
orth meldung gethan.

ci  
A  
xxiiij  
Robertus.